

宋文鑒

卷十二

宋

文

全
錄

欽定四庫全書提要

宋文鑑一百五十卷宋呂祖謙編祖謙有古周易已著錄案

李心傳建炎以來朝野雜記稱臨安書坊有所謂聖宋文海

者近歲江鋗所編孝宗得之命本府校正刻版周必大言其

去取差謬遂命祖謙校正於是盡取祕府及士大夫所藏諸

家文集旁採傳記他書悉行編類凡六十一門又稱有近臣

密啟所載臣僚奏議有詆及祖宗政事者不可示後世乃命

直院崔敦詩更定增損去留凡數十篇然訖不果刻也此本

不著爲祖謙原本爲敦詩改本朱子語錄稱文鑑收蜀人呂

陶論制師服一篇爲敦詩所刪此本六十一卷中仍有此篇

則非敦詩改本確矣商輅序稱當時臨安府及書肆皆有版

與心傳所記亦不合蓋官未刻而其後坊間私刻之故仍從

原本耳祖謙之爲此書當時頗鑠於眾口張端義貴耳集稱

東萊修文鑑成獨進一本滿朝皆未得見惟大瑞甘昺有之

公論頗不與得旨除直祕閣爲中書陳騤所駁載於陳之行
狀朝野雜記又引孝宗實錄稱祖謙編文鑑有通經而不能
文詞者亦表奏廁其閒以自矜黨同伐異之功縉紳公論皆
嫉之又載張栻時在江陵與朱子書曰伯恭好敝精神於閒
文字中何補於治道何補於後學承當編此等文字亦非所
以成君德也而朱子語錄記其選錄五例亦微論其去取有
未當蓋一時皆紛紛訾議案錄副本以獻中官祖謙似不至
是所謂通經而不能文章者蓋指伊川然伊川亦非全不能
文至此書所載論政論學之文不一而足安得盡謂之無補
栻殆聞有此舉未見此書意其議出周必大必選詞科之文
故意度而爲此語也陳振孫書錄解題記朱子晚年語學者
曰此書編次篇篇有意其所載奏議亦係當時政治大節祖
宗二百年規模與後來中變之意盡在其間非選粹比也然
則朱子亦未始非之殆日久而後論定歟

宋文鑑序

禮部尚書翰林學士兼侍讀太子詹事兼修國史蓋國公賜金魚袋臣周必大奉聖旨撰

臣聞文之盛衰主乎氣辭之工拙存乎理昔者帝王之世人有所養而教無異習故其氣之盛也如水載物小大無不浮其理之明也如燭照物幽隱無不通國家一有殊功異德卓絕之跡則公卿大夫下至於士民皆能正列其義祓飾而彰大之載於書詠於詩略可考已後世家異政人殊俗剛大之不充而委靡之習勝道德之不明而非僻之說入作之弗振也索之易窮也譬之盪舟於陸終日馳驅無以致遠搏土爲像丹青其外而中奚取焉此豈獨學者之罪哉上之教化容有未至焉爾時不否則不秦道不晦則不顯天啟藝祖生知文武取五代破碎之天下而混一之崇雅黜浮汲汲乎以垂世立教爲事列聖相承治由於一援毫者知尊周孔游談者羞稱楊墨是以二百年間英豪踵武其大者固已羽翼六

經藻飾治具而小者猶足以吟詠情性自名一家蓋建隆雍熙之間其文偉咸平景德之際其文博天聖明道之辭古熙寧元祐之辭達雖體制互興源流間出而氣全理正其歸則同嗟乎此非唐之文也非漢之文也實我宋之文也不其盛哉皇帝陛下天縱將聖如夫子煥乎文章如帝堯萬幾餘暇猶玩意於眾作謂篇帙繁夥難於徧覽思擇有補治道者表而出之乃詔著作郎呂祖謙發三館四庫之所藏袁縉紳故家之所錄斷自中興以前彙次來上古賦詩騷則欲主文而譎諫典冊詔誥則欲溫厚而有體奏疏表章取其諒直而忠愛者箴銘讚頌取其精懿而詳明者以至碑記論序書啟雜著大率事辭稱者爲先事勝辭則次之文質備者爲先質勝文則次之復謂律賦經義國家取士之源亦加采掇略存一代之制定爲一百五十卷規模先後多本聖心承詔於淳熙四年之仲冬奏御於六年之正月賜名曰皇朝文鑑而命臣爲之序臣待罪翰墨才識駑下固無以推原作者闡繹隆指抑嘗竊讀大

雅之詩而知祖宗所以化成天下者矣棫樸官人也旱麓受祖也
辭雖不同而俱以遐不作人爲言蓋魚躍于淵氣使之也追琢其
章理貫之也況夫雲漢昭于上豈弟施於下濟濟多士其有不觀
感而化者乎是則祖宗啟之陛下繼焉樂文王之壽考申太王王
季之福祿人才將至於不可勝用豈止乎能文而已臣雖不肖尙
當執筆以頌作成之效云臣謹序

宋文鑑

朝奉郎行祕書省著作佐郎兼國史院編修官兼權禮部郎

官呂祖謙奉聖旨銓次劄子

先於淳熙四年十一月內承尙書省劄子勘會已降指揮令臨安府校正開雕聖宋文海十一月九日三省同奉聖旨委呂祖謙專一精加校證祖謙竊見文海元係書坊一時刊行去取未精名賢高文大冊尙多遺落遂具劄子乞一就增損仍斷自中興以前銓次庶幾可以行遠十一月五日三省同奉聖旨依祖謙尋將祕書省集庫所藏本朝諸家文集及於士大夫家宛轉假借旁采傳記它書雖不知名氏擇其文可錄者用文選古詩十九首例並行編纂凡本門爲百五十卷目錄四卷祖謙竊自伏念本朝文字之盛眾作相望誠宜采掇菁華仰副聖意而祖謙學問荒涼知識卑陋不足以知前輩文字之工拙詛勉承命今已經年簡牘浩繁取舍繆戾加以繕寫纔畢偶嬰末疾省恐疎畧抵牾未敢遽以投進今

月二十四日偶蒙具宣聖諭緣祖謙已除外任俯詢所編次第自懼稽緩不勝震懼所有編次到聖宋文海一部其一百五十四冊并臨安府元牒到御前降下聖宋文海舊本一部計二十冊並用黃羅夾複封作七複欲望特與敷奏繳進祖謙不勝皇懼俟罪之至

朝奉郎行秘書省著作佐郎兼國史院編修官兼權禮部郎
官臣呂祖謙奉聖旨所編文鑑精當

謝賜銀絹除直祕閣表

右臣今月四日承中使李裕文宣諭聖旨所編文鑑精當賜銀絹三百疋兩者奏編無取錫命有加旣叨中祕清切之隆復拜內府便蕃之賜人微恩厚感極涕零此蓋伏遇皇帝陛下聖學高明皇猷淵懿粲然眾作思採摭以無遺最爾小臣懼討論之不稱已逃罪戾仍被眷私抱槧懷鉛曷副右文之意賜金增秩徒慙稽古之榮臣無任感天荷聖激切屏營之至謹錄奏聞謹奏

光緒丙戌江蘇書局開雕

宋文鑑總目

賦

一卷

二卷

三卷

四卷

五卷

六卷

七卷

八卷

律賦

十卷

詩

十二卷

十三卷

十四卷

五言古詩

十六卷

十七卷

十八卷

十五卷

十九卷

二十卷

七言古詩

二十一卷

二十卷

五言律詩

二十二卷

二十三卷

七言律詩

二十四卷

二十五卷

五言絕句

二十六卷

七言絕句

二十七卷

二十八卷

雜體

二十九卷

騷

三十卷

詔

三十一卷

勅

赦文

冊

三十二卷

御劄

批答

三十三卷

制

三十四卷

三十五卷

三十六卷

誥

三十七卷

三十八卷

三十九卷

四十卷

奏疏

四十一卷

四十二卷

四十三卷

四十四卷

四十五卷

四十六卷

四十七卷

四十八卷

四十九卷

五十卷

五十一卷

五十二卷

五十三卷

五十四卷

五十五卷

五十六卷

五十七卷

五十八卷

五十九卷

六十卷

表
六十一卷
六十二卷

六十三卷
六十四卷
六十五卷
六十六卷

六十七卷

六十八卷

六十九卷

七十卷

七十一卷

牋
箴

七十二卷

銘

七十三卷

頌

七十四卷

贊

七十五卷

碑文
記

七十六卷

七十七卷

七十八卷

七十九卷

八十卷

八十一卷

八十二卷

八十三卷

八十四卷

序

八十五卷

八十六卷

八十七卷

八十八卷

八十九卷

九十卷

九十一卷

九十二卷

論

九十三卷

九十四卷

九十五卷

九十六卷

九十七卷

九十八卷

九十九卷

一百卷

論

義

策

一百一卷

議

一百二卷

一百三卷

一百四卷

一百五卷 一百六卷

說

一百七卷

說 戒

一百八卷

制策

一百九卷 一百十卷

制策

說書 經義

一百十一卷

書

一百十二卷 一百十三卷 一百十四卷 一百十五卷

一百十六卷 一百十七卷 一百十八卷 一百十九卷

一百二十卷

啟

百二十一卷 百二十二卷 百二十三卷

策問

百二十四卷

雜著

百二十五卷 百二十六卷 百二十七卷

對問

移文 連珠

百二十八卷

琴操

上梁文 書判

百二十九卷

題跋

一百三十卷 百三十一卷

樂語

百三十二卷

祭文

謚議